

Öise Lade 8-2010, p. 54

As regurdais anc? Ils 26 d'avust 2007, vers las 5 da la saira ad Aarau, in bellezza di. Noss Grischun fiss bunamain daventà campion. Fausch Stefan cunter



Il retg dals lutgaders

Abderhalden Jörg. Pumfata, e Fausch è stà en dies, sco in bau. En sasez betg surpudent. L'auter era almain in chau pli grond. Quels urchigs da la Svizra Orientala paran da crescher meglier ch'ils Grischuns. Talas maschinas sco in Forrer Nöldi u in Abderhalden Jörg na datti betg tar nus. Ed insumma: tut che spetga che quel lutgaderun da Schnottwil, il Stucki Christian da l'Uniun bernaisa da lutgaders, va quest onn cun il taur. Quel è 1 meter e 98 grond, ha il numer da chalzers 52 e paisa 138 kilos (gist il dubel da mai – jau n'avess dentant nagina schanza, era betg cunter il pli miserabel lutgader da tut la Svizra). E sch'ins guarda la fotografia en l'internet, sche pudess ins s'imaginar che Stucki Christian savess esser in candidat per la rolla dal nauschun en il proxim film da James Bond. Stucki Christian baiva gugent la limunada brina cun tonnas da zutger e lavura tar ina chasa da maz. E Stucki Christian è stà en Giapun a sa preparar per la Festa federala da lutga a Frauenfeld. Là ha el cumbatti cunter lutgaders da Sumo... Jau ves gia il rintg da resgim cun quels dus tauris sisur che sa tschiffan vi da las chautschas e buffan in a l'auter il flad chaud sin la spatla. Ed il taur ch'è il premi che gira enturn. Fascinant – era per ina mesa purziun sco jau.



David Spinnler